

# КИРОВЕЦ

Тыловай ВКП(б) Райкомлэн но Райисполкомлэн органзы

10 июле 1937 арын | № 49 | 3-тй арзэ потэ

## Советской демократической кунлэн бырьиськон законэз

Сизыым толэзь талэзь азы-  
выл, Совет'ёслэн Всесоюз-  
ной VIII Чрезвычайной с'ез-  
зы асьме социалистической  
родинамылэсь Сталинской  
Конституцизэ юнматыз. Та  
исторической документэз  
юнматыку, Совет'ёслэн Все-  
союзной VIII Чрезвычайной  
с'ездзы СССР-ысь ЦИК-лы  
СССР-лэсь Верховной Со-  
ветсэ быр'ён сярысь Поло-  
жение разработать карыны  
косыз вал. С'ездлэн со ко-  
сэмез а ли быдэстэмын.  
„СССР-лэсь Верховной Со-  
ветсэ быр'ён сярысь Поло-  
женилэн“ проектэз али  
опубликовать каремын ни.

Та „Положенилэн“ проек-  
тэз адямилэн историзы ны-  
рысетызэ тайной голосова-  
ниен действительной всеоб-  
шой, равной но прямой  
быр'иськон право пыртэ.  
Буржуазной „демократичес-  
кой“ государствоос та же  
быр'иськон уждра сярысь  
кемалась верасько ни. Нош  
зэмысь всеобщой, равной но  
прямой быр'иськон право  
капиталистической кун'ёсын  
ой вал, өвёл, уз но луы.  
Сыче быр'иськон правоос  
сярысь капиталистической  
кун'ёсын вераськон'ёс ка-  
лыкльсь синзэ чоктан гинэ  
луыллызы. Буржуазной Кон-  
ституциос но буржуазной  
быр'иськон правоос капита-  
лизмез возьман понна вал  
но луо но.

Асьме социалистической  
кунын гинэ подлинной демо-  
кратия, социалистической  
демократия, вань калыкы  
демократия тупатэмын.  
СССР-лэн Конституцияезлэн  
135 статьяезя, „СССР-лэсь  
Верховной Советсэ быр'ён  
сярысь Положениен“ визь-  
тэммен мурт'ёслы сяна но  
судэн избирательной право-  
лэсь лишить карем мурт'ёс-  
лы сяна, СССР-ысь 18 ар-  
сысен вань граждан'ёслы,  
вань нациослы, вань ныл-  
кышноослы но пиос'ёслы  
быр'иыны но быр'емын луы-  
ны право сэтэмын. „Поло-  
женилэн“ 3 статьяезя, вань  
граждан'ёс быр'ёнын ога-  
кадь, одйг голосэн участво-  
вать каро. Капиталистичес-  
кой зйбет улын ульсь ужа-  
са ульсьёс сыче правоез оз  
кылылэ, оз адзылэ, уз но  
адзылэ.

Быр'иськон закон котькуд  
быр'исьёслэсь правозэс туш-  
мон'ёслэн, бюрократ'ёслэн  
луо но покушениоссылэсь  
зол возьма. „Положение“  
быр'исьёслы список лэсьтон  
сярысь, со списокез обжа-  
ловать карон сярысь, депу-  
тат'ёсы кандидат'ёсты выд-  
вигать карон сярысь, голо-  
совать карон порядок ся-  
рысь котькинлы валамон,  
строгой но четкой директи-  
ваос сэтэ. „Положенилэн“

котькуд главаез, котькуд  
статьяез Сталинской Консти-  
туцилэн мылкыдэныз мур-  
мур пычамын. Та „Положе-  
ние“ жоген СССР ЦИК-лэн  
сессииныз эскеремын но юн-  
матэмын луоз.

СССР-лэсь Верховной Со-  
ветсэ быр'иыны кутскон ну-  
нал'ёс дорозь дыр трос, ик  
өвёл ни. Та быр'иськон ну-  
нал'ёс котькуд советской  
гражданинлы, котькуд пар-  
тийной организацилы бад-  
зым экзамен луоз.

Социалистической государ-  
стволэн Сталинской Консти-  
туцияз, вань калыкен одоб-  
рить карыса, зарни кыл'ёс  
гожтемын:

„ужась класслэн рад'-  
ёсысьтыз но ужаса ульсьёс-  
ёслэн мукет слойёсысьты-  
зы тужгес активной но со-  
знательной гражданин'ёс  
Всесоюзной Коммунисти-  
ческой партияе (больше-  
вик'ёслэн) огазеясько. Та  
партия ужаса ульсьёслэн,  
соослэн социалистической  
строез юнматон но азин-  
тон (развитие) понна  
нюр'яськоназы азымынсь  
отрядэн луэ но ужаса  
ульсьёслэн вань обще-  
ственной но озыи ик го-  
сударственной организаци-  
осынызы но кивалтысь  
ядро луэ“.

Со азымынсь но кивал-  
тысь рользэ Ленинлэн-Ста-  
линлэн партиез котьку ик  
азинлыко быдэсьяллыз. Ась-  
ме кунысь калык'ёс комму-  
нистической партилэн кивал-  
тэм улаз социализм лэсьты-  
зы. Социализмлэн Основной  
Законэз — Сталинской Кон-  
ституция луэ. Сталинской  
Конституция, СССР-лэсь  
Верховной Советсэ быр'ёнын  
но партийной организациос-  
лы ас кивалтон рользэс али  
азинлыко быдэстыны кулэ.  
Соин ик, Верховной Советэ  
быр'ёнлы дасяськонэн  
кивалтон али вань партий-  
ной организациос азыын ос-  
новной задача луэ.

Вань ужаса ульсьёслы  
„СССР-лэсь Верховной Со-  
ветсэ быр'ён сярысь поло-  
жениен“ мур-мур валэктон  
ужаса ульсьёслэсь быр'ён  
ужын бадзымесь правоос-  
сэс, соослы валэктон—пар-  
тийной организациос азыын  
али основной агитационной  
но пропагандистской уж луэ.  
Ужаса ульсьёс ас правоос-  
сэс мур-мур мед валалозы.  
Партийной организациослы  
лыдэ басытыны кулэ, туш-  
мон'ёс али быр'иськонлы  
дасясько. Собс калык пö-  
лын антисоветской агитация  
нуыны туртто. Тушмон'ёслы  
пумит ужаса ульсьёс пöлын  
партийной организациослы  
большевистской агитация  
нуоно.

(„Удмурт коммуна“).

## ВКП(б) ЦК-лэн ОЧЕРЕДНОЙ ПЛЕНУМЕЗ СЯРЫСЬ ИНФОРМАЦИОННОЙ ИВОРТОН

ВКП(б) ЦК-лэн очередной Пленумез та нунал'ёсы ворсаськиз.

Пленум „СССР-лэн Верховной Советаз быр'иськон'ёс сярысь Положенилэсь“ проектэз эскериз но сое одобрить кариз.

Собере Пленум та же ужпум'ёсыз эскериз на:  
а) Тысё культураослэсь кидыссэс умоятон сярысь,  
б) Правильной севооборот'ёс пыртон сярысь но в) МТС-ёслэсь ужзэс умоятон уждра'ёс сярысь. Пленум тысё культураослэсь кидыссэс умоятон ласянь уждра'ёс сярысь СССР-лэн СНК-езлэсь пунктэмезлэсь проектэз одобрить кариз. Правильной севооборот'ёс пыртон сярысь СССР-лэн Наркомземезлэн но СССР-лэн Наркомсовхоз'ёслэн Комиссиенызы сэтэм проектэз печаттын опубликовать карон но сое котькуд ласянь обсуждать карон вылысь Пленум в основном одобрить кариз. Та ужпум ЦК лэн вуоно Пленумаз кыктэтйз эскеремын луоз. МТС-ёслэсь ужзэс умоятон сярысь СССР лэн Наркомземезлэн сэтэм предложениосыз, материалэз сямен Пленум партийной но советской организациослы обсуждать карыны сэтйз.

Ст.-К-ч сельсоветлэн председателез БУЙСКИХ

## ЗАЁМЛЫ ГОЖКОНМЫ УМОЙ ОРТЧИЗ

СССР-лэсь обороназэ юн-  
матон заёмез потгон сярысь,  
Советской Союзысь ужаса  
ульсьёслэсь тросэн лыд'ясь-  
кись предложениоссэс га-  
зет'ёсысь адзыса ик, ми  
выль заёмлэн политической  
данлыкэз сярысь колхозной  
масса пöлын валэктны  
кутскимы, со уж котыре  
агитатор'ёс, газет лыдзись-  
ёс но стенной газет'ёс  
умой кутскизы.

Заёмлы гожкон ужез об-  
разиво ортытон понна,  
комсод'ёсты, заёмлы гожко-  
нэз ортытон уполномочен-  
ной'ёсты, колхозной акти-  
вез, агитатор'ёсты, чтец'ёсты  
сельсоветэ отыса совещан-  
ной ортытймы. Активлэн  
совещаниез жутскем мыл-  
кыдын выль заёмез пуми-  
таз, совещаниын ик заём-  
лы гожкизы но колхоз'ёсын  
большевистски заёмлы гож-  
конэз ортытомы шуса обя-  
зательство басытйзы, оззэ-  
ты-огзы соревнование оти-  
зы.

Совещание люкаськем  
калыкэз определенной кол-  
хоз'ёсы юнматыса, соос чик  
жегатскытэк заёмлы гожко-  
нэз ортытыны колхоз'ёсы  
мынйзы. Сельсоветысь ыс-  
тэм калык'ёс, колхоз'ёсы  
вуыса, колхозной активез

люкаса выль заёмлэн дан-  
лыкэз сярысь нош ик вал-  
эктон ортчиз но соос мыл-  
кыдо заёмлы гожкизы.

Колхозной активен сове-  
шаниос орчытыса тодмо  
луиз, что актив заёмлэсь  
политической данлыкэз ва-  
лаз. Тйни собере обшой  
колхозной собраниос люка-  
са, отын нош ик заём ся-  
рысь валэктонэз нуимы,  
колхозной актив собранио-  
сын озыи ик заёмлы гож-  
тыськонэз образиво орты-  
тон сярысь вераськиз, мон  
сомында манетлы гожкись-  
ко но тиледдыс со мында  
манетлы гожкыны сьöрам  
отысько шуса, выступать  
карылызы.

Заём сярысь валэктонэз  
орчытыса но оззэсты-огзы  
соревнование отыса, жутс-  
кем мылкыдын заёмлы гож-  
конэз образиво орчытом но  
кык-куинь арняем ужамдун-  
мылы заёмлы гожком-шуса  
решениос кугылйзы. Реше-  
ни кутыса трудоспособной  
колхозник'ёс, шорлыдын ве-  
раса, быдэн 45—50 манетлы  
выль заёмлы гожкылызы.

Заёмлы гожконлэсь мы-  
нэмзэ красной, черной дос-  
каосын, стенной газет'ёсын  
возьматылыськиз.

## ЗАЕМЛЫ ГОЖКОН УМОЙ МЫНИЗ

В.Четкер сельсоветысь  
„Красный путиловец“ но  
„Советский путь“ колхоз'-  
ёсысь колхозник'ёс но кол-  
хозницаос „СССР-лэсь  
обороназэ юнматон заём-  
лы“ жутскем мылкыдын  
гожкызы. „Путиловец“ кол-  
хозын 1740 манетлы гож-  
кызы. „Советский путь“  
колхозын 1050 манетлы  
гожкызы. Кыкнаяз кол-

хоз'ёсын заёмлы гожкон  
мынэ на.

Нош „Ударник“ колхо-  
зын массово-валэктон ужез  
колхозник'ёс пöлын но кол-  
хозницаос пöлын ляб пук-  
тэмен, заёмлы гожкон ляб  
мынэ. Колхоз правлени но  
бригадир'ёс заёмлы гожко-  
нэз ляб организовать каро.

Сунцов.

## 855 манетлы гожкизы

Шудзялуд сельсоветысь  
„Новый путь“ колхозысь  
нырысетй бригадаысь кол-  
хозник'ёс но колхозницаос  
„СССР-лэсь обороназэ юн-  
матон заёмлы“ ваньзы ик  
шумпотыса гожкизы. Труд-  
доспособнойлы быдэ 40 ма-  
нетлы гожкизы.

Нош со колхозысь ик  
кыктэтй бригадаысь кол-  
хозник'ёс заёмлы гожконэн  
ут дырто. Татын заём ся-  
рысь валэктон ляб пунктэ-  
мын, бригадирзы Князев  
заёмлы гожконэн номре ик  
уг лэсты.

КНЯЗЕВ.

## ТУРНАН УЖЕН ЛЯБ КИВАЛТО

Тыловай сельсоветысь  
„Первой май“ колхозын  
бригадир'ёс но колхозлэн  
правлениез турнан ужен ляб  
кивалто. Турнам турыны  
арнялэсь но кема возь вы-  
лысь маштатэк улэ ни. Тур-  
нам турын ваньмыз сись-  
мыса быремын. Колхозлэн  
правлениез көс турынэз ок-  
тон-калтон ужен уг дырты,  
бригадир'ёслы указани уг  
сёты.

М. Е.

## Турнан оз кутске на

Тыловай сельсоветысь  
„Якорь“ колхозын турнан  
оз кутскылэ на. Колхозлэн  
председателез Калинин „тур-  
нан вазь на“ шуса буйгат-  
скыса улэ.

Торопов.

## Заёмлы 60 манетлы гожки

„СССР-лэсь обороназэ юн-  
матон заём“ сярысь прави-  
тельстволэсь решениз шум-  
потыса пумитай но шумпо-  
тыса заёмлы 60 манетлы  
гожки. Соин чөш ик Князе-  
ва Парасковьялэсь выльы-  
ко етйн уржай бордын  
ужась звенолэсь член'ёссэ,  
быдэн 60 манетлы ик заём-  
лы гожкыны сьöрам отись-  
ко.

## „Хлебороб“ колхозысь КУЛАКОВА ЛЮБОВЬ.

## Заёмлы гожкон умой мынэ

В.Четкер сельсоветысь  
„Красный путиловец“ колхо-  
зысь колхозник'ёс но колхо-  
зницаос СССР-лэсь оборона-  
зэ юнматон заёмлэсь дан-  
лыкэз валазы. Татын 1705  
манетлы заёмлы гожкемын,  
али заёмлы гожкон мынэ  
на.

Галичанин.

## Заёмлы гожконэн уг дырто

Тыловай сельсоветысь  
куд-ог колхоз'ёс заёмлы  
гожконэн уг дырто. „Крас-  
ный труд“, „Якорь“ но  
„Столяр“ колхоз'ёсын заём-  
лы гожкон ужез организо-  
вать карыны быгатымтэен,  
колхозник'ёс но колхозни-  
цаос пöлын массовой вал-  
эктон уж нуымтэен, заём-  
лы гожкон ляб мынэ, „Крас-  
ный труд“ колхозын 225  
манетлы гинэ гожкизы.  
Озыи ик „Якорь“ колхозын  
но 200 манетлы гинэ гож-  
кызы.

Кириллов.

## ОБЯЗАТЕЛЬСТВО БАСЬТЙМЫ

Туэ аре ми Дебесс рай-  
онной колхозной школаез  
быдтймы. Школаын трос  
грамоталы дышимы. Озыи  
ик сельской хозйствосын  
ужез нуон сярысь но пудо  
вордон ужез умоятон сярысь  
трос тодйм. Вань тодонлык  
басытэммес уж вылын бы-  
дэстыны вылысь кыл сё-  
тыськом. Колхоз'ёсы лык-  
тыса тырмымтэ уж'ёсты  
шонертон ласянь азыветли-  
сен луом.

Е. Будина, Ф. Гущин,  
А. Рыкова, М. Носкова,  
А. Серебренников.

„Пятилетка“ колхозын комсомольской организация луыса но райкомолысь ужасьёс ужаны юрттэм өвдл, со организацииэ ыш- тиллям. Татын тямьс то- лэзь чоже комсоргзы өвдл вылэм. Озы бере комсо- мольской собраниос өвдл ортчылэм, быдэс ар чоже членскэй взноссэс тырил- лянтэ. Верам первичной комсомол организация рай- онной центрысен 4 кило- метр гинэ. Матын ке но райкомолысь ужасьёс тат- чы өвдл вуыллял. Со факт возматэ сое, что райко- мольсь ужасьёс первичной комсомольской ужасьёсын конкретно, оперативно уг кивалто.

„Пятилетка“ колхозын коммунист ёс но кандидат- ской группа вань. Нош кандидатской группа ла- сянь татысь комсомолец- ёслы юрттон но кыче ой вал, соос вунэтиллям таос

дйнын комсомолец'ёс вань шуса. Кылем нунал'ёсы ги- нэ райкомолысь ужасьёс- лэн тодазы лыктэм „Пяти- летка“ колхозын наверно комсомольской организа- ция вань шуса, колхозэ мы- ныса юаллясько но зэм ик ньыль мурт комсомолец'ёс лыд'ясько. Озы бере жо- ген соосты люкаса тайной голосованиен комсоргез быр'ён ортчыто. Нош та- тысь коммунист'ёс комсор- гез быр'ён собраниен ин- тересоваться өз кариське. Парти членлэсь кандидатэ Петров Ефимез комсомол собрание отыса, со отчы лыктыны отказатьс кариськиз но та че кыл'ёсын вераське: „Мон уг мыны со комсомольской собраниа- ды, окмоз ужай ни мон отын.“ Ачиз Петров али но комсомолысь лыд'ясько, ком- сомол организациез пичи- ен лыд'я, сое со сантэма.

Васильев

Етйнлэн удалтонлы- кез выйлыко

Тыловой сельсоветысь „Красный труд“ колхозлэн етйнэз туж чебер будэ. 5 га вылын етйнзы чебер, жаг- тэм будэ. Куьдалаез етйн- лэн метра ёрос нй. Етйнзы пенен кыедаса киземян, кык пол урон ортчытэмын.

Максимов.

ТАОС СЯМЕН УЖАНО

Тыловой сельсоветысь „Яг“ но „Республика“ кол- хоз'ёс уж'ёсын азымынсь колхоз'ёс луо. Вуоно ю- нянь октон калтонлы да- сяськонэз соос йылпум'язы ни. Жнейкаос, уробоос, кут- саськон машинаос ваньмыз ик тупатэмын.

Первушин.

„Столяр“ колхозын ляб дасясько

Тыловой сельсоветысь „Столяр“ колхозын ю- нянь октон калтонлы чидантэм урод дасясько. Аран маши- наос, уробоос, кутсаськон машинаос ваньмыз тияське- мын, сое тупатысь өвдл. Ужан тирлысы отын но та- тын куямын, жнейкаос куз- ница дорын зор улын сись- мо. Уробоос озы ик тупа-

тымтэ. Колхозлэн предсе- дателез Кардапольцев сы- че ужез тодыса но но кыче уждад уг куты. Ю- нянь октон-калтонлы дасяськон ужен оперативно уг кивал- ты. Озы ик турнан уж но ляб организовать каремян, ужны азинлыксы өвдл, гыз- мыльтыса ужало.

Васильев.

Колхоз уставез тйя

В.-Четкер сельсоветысь „Луна“ колхозлэн предсе- дателез Заякин колхозэз куашкатон вылысь ужаз. Трос дыр'я Заякин вина юса улылыз, колхоз коньдонэз тус-тас карыса быдтылыз. Колхоз коньдонэн гармош- ка басьтыз, сое правлени- лэн член'ёсыз тодо ке но вал, но кыче уждад өз кутэ. Колхозын массовой уж өз нуиськи, самокритика ой вал. Озы бере Заякин марке лэсьтэмез потыз, сое ик лэсьтыз.

Колхоз уставез тиясьёсын

нюрьяськон интые, Заякин ачиз уставез тйяса улыз. Тани, лесопунктысь ужась Хорошавцевез колхозэ пыртыса, колхозын номре өз ужа. Колхозысь потыны вылысь али- гес заявлени сётыса, Заякин Хорошавцевлы быдэс кыт- кегэн вал сётыз но Хоро- шавцев олокытчы валэныз кошкыз.

Али Заякин председател- ысь куштэмын, нош вань сьбд уж'ёсыз пённа нокин уждад уг куты.

Ю нянь октон калтонлы умой дасясько

В.-Четкер сельсоветысь „Советский пуг“ колхоз туэ ю нянь октон-калтонлы умой дасяське. Аран маши- наос, молотилкаос ваньмыз тупатэмын. Озы ик зег ки- зенлы но дасяськон йыл-

пум'ямын. Плуг'ёс сеялкаос но усьюос тупатэмын. „Планета“ колхоз но та матысь нунал'ёсы ю нянь октон-калтонлы дасяськонэз быдэстоз.

Сунцов.

Сюрес лэсьтонэз куашкатисьёс

Бородули сельсоветысь „Власть Советов“ но „Кре- стьянин“ колхоз'ёс 1936 аре сюрес лэсьтон планэс өз быдэстэ.

Сыче ик уж 1937 аре но. Таос сюрес лэсьтон коты- ре туэ өз кутскылэ на. Тужгес ик, сюрес лэсьто-

нэз „Власть советов“ колхо- зысь сельсовет член Загу- ляев жегатэ.

Нош сельсоветлэн пред- седателез Казаков та че чи- дантэм ужез тодэ ке, но но кыче уждад уг куты.

Тимофеев.

● Асьме странаамы 300 сюрс мурт'ёс трос пинало- ос али государственной по- собия басьто. 1937 арын гинэ миллиард манет посо- бие басьтозы.

● Саратовысь комбайн лэсьтон завод заданизэ тыр- мытыз. 1-ти июле 8 сюрс комбайн лэзиз. 7900 ком- байн быдэс совето союзэ келяны 2 июле отгрузка лэсьтыса дасямын.

● 11—12 июне 1937 аре

Сталино (Домбасс) вань 34 разрядэз'я Осоавиахимлэн 11-ти Всесоюзной лотере- ныз розыгрыш кутскоз. 566.202 розыгрышы н 8.500.000 манетлы выигры- шез луоз. Главной выиг- рыш'ёс пблын — полтора- тонка грузовой автомаши- наос, мотоциклет'ёс, загра- ничной путешествоис, пиа- нино, СССР-эти путешес- твовать карон но мукет'- ёсыз.

Испаниысь фронт'ёсын

Центральной фронт Карабанчель котырын жугиськон тужгес но юн мынэ. Берло нунал'ёсы куж- мо жугиськон нуэмен, рес- публиканской войскаос Ка- рабанчельсы 100 юрт бась- тизы. Республиканской вой- скаослэн паллян пал фланг- зы но жыны километрлы азинскиз.

Тахо шур котырысь рес- публиканской артиллерия мятежник'ёслэсь позицио- ссэс бомбардировать каре.

Северный фронт

Северной фронтын фа- шист'ёс Бильбао город до- рысен Запад пала наступ- ление нуо. Соос Бальмастад

городэз но Сан-Улиян де- Вускед гуртэз басьтизы, 8 фашистской самолёт'ёс Сантандер город вылэ на- лёт лэсьтизы.

Республиканской бомбар- дировщик'ёслэн эскадриль- зы 3 июле чукна Саламан- ка городысь военной об- ект'ёсыз бомбардировать кариз. Куд-огез бомбаос мятежник'ёслэн главной штабылэн юртсы вылэ уси- зы. 20 фашистской самолёт'- ёс республиканской само- лёт'ёс вылэ нападение лэсь- тэмзы вал. Озы но вань республиканской самолёт'ёс умой берытскизы.

Калыкез обсчитывать каре

Тыловой столовойын кас- сирша Каракулова сиськи- ны лыктэм калыкез обсчи- тывать каре. 8 июле гос- банкын ужасез Букинаез одиг манетлы обсчитать кариз. Озы ик типографи- ын ужасез но 2 манетлы обсчитать кариз. Кыкназы ик обсчитывать карем мурт'- ёс, Каракулова Кассир до- ры выльысь лыктыса шо- нер расчёт лэсьтыны өз быгатэ.

Михайлов.

Пинал'ёслы секыт уж сёт'яло

Ст.-Кыч сельсоветысь „Пионер“ колхозын пинал'- ёсты уж'ёсы умой кулээз'я использовать уг каро, соос- ты секыт уж'ёсы ыс'яло. Трос дыр'я пинал'ёсты ужа- ны сике мбйыосын чош ыс'яло, трудодень ваньмыз- лы одиг мында гожто. Озы та колхозын уравниловка мынэ. Нош колхозлэн пред- седателез Серебренников аслаз братэзлы чем дыр'я трудодень токма гожтылэ.

Колхозник.

Пинал'ёслы саклык вис'яло

Бородули сельсоветысь „Власть советов“ но „Кре- стьянин“ колхоз'ёсын пи- нал'ёслы саклык бадзым вис'ямын. Верам колхоз'- ёсын детяслиос усътэмын. Д е т я с л и ы н чылкыт, сайкыт омыр, пинал'ёслэн нуналлы быдэ дйсьёсы воштэмын луэ. Жоген дет- плошадка усътэмын луоз.

Самсонов.

Уйвай сельпо урод вузкаре

Уйвай сельпо та берло толэзьёсы вузкарон ужэз лябомытыз. Калыкез нырысь кулэ вузэн обеспечить ка- рыны уг быгаты. Спичка, тамак, сылал но сахар 20 нунал'ёс чоже лавкаын өвдл нй.

Ю-нянь октон-калтонлы но сельпо урод дасяське. Колхоз'ёс жоген араны кут- скозы. Аран машинаосты зыраны мазь кулэ луоз. Нош сельпо мазь но мукет кулэ луись вуз'ёсты уг да- ся. Сельполэн председате- лез Иванов колхоз'ёсыз ву- зэн обеспечить карыны ичи

сюлмаське. Алигес Иванов Глазове мынйсько шуса мы- нйз но Дебессын 3 нунал юса улыз, Тодйсь.

Газет'ёсты ышто

Тыловой почталэн сель- письмоносез Первушин подписчик'ёслы газетэз ды- раз уг вутты. „Пятилетка“ колхозысь Осотов колхоз- ник'лэсь „Удмуртская правда“ газетсэ вить нунал корманаз нуллыз. Певушин- лэн сы че фактёсыз трос луыло.

Осотов.

Судлэн отчетаз ваньмызлы участ- вовать кароно

Сталинской Конституци- яын тазы верамын: Народ- ной суд'ёс, всеобщей, пря- мой но равной бырььськон право основа вылын, тай- ной голосованиен райо- нысь граждан'ёсын куать ар чоже бырььсько. Соин чош ик избирательёс азын суд ас ужомез сярэсь от- читываться кариськыны должен. Судлэн ортчэтэз'я критикаез но самокритика- ез з о л пуктыса, судын ужасьёслэсь вань тырмыт- э уж'ёссэс: жалобаосты дыраз учкымтээз, бюрокра- тизмез, волокитаез но му- кет'ёссэ шарае поттыса, азыпала ужаны программа пус'ёно.

Али районамы колхоз'ё- сын Тыловой районысь ка- лык судлэн орчэтэз мынэ, со о т ч е т ы н котыку- дызлы избирательлы актив- но участвовать кароно. Кема дыр уз ортчы—ста- линской Конституции вер- ам'я калык судыюсты тай- ной голосованиен быр'ён ортчоз. Со бырььськонлы ваньмызлы избирательёслы дасяськоно. Соин ик туж- гес но Конституциез изу- чать каронэ нимысьтыз ик кутсконо.

Районысьтымы калык судлэн колхоз'ёсын ужа- мез сярэсь отчетсэ ор- чытон календарной пла- нэз.

Районысьтымы калык судлэн ужомез сярэсь колхоз'ёсын ор- четэз ули верам числоосы ор- тчы:

- 9-VII „Пролетарий“ колхозын
10-VII „Борец“
11-VII „Новый путь“
12-VII „Прогресс“
13-VII „Столяр“
14-VII „Пятилетка“
15-VII „Удмурт“
17-VII Имени Ленина
19-VII „Трактор“
20-VII „Кр. Знамя“
21-VII „Факел“
23-VII „Красная Ита“
25-VII „Выль улон“
26-VII „Большевик“
27-VII „Общий труд“
28-VII „Равенство“

Дисциплинаез куашкато

Зюзя сельсоветысь „Про- летарий“ колхозысь 5 но- меро бригадысь бригадир Григорьев Григорий турнан ужен уг кивалты. Григорьев турнан ужез умой органи- зовать карем интые, со ачиз трудовой дисциплинаез куашкатэ, аслыз турнан кошке. Колхозник'ёс, колхоз- ницаос нуналлы тупатэм тур- нан нормаэс уг быдэс'яло. Поздеев.

Ответственный редактор Н. ХОХРЯКОВ.

Поттйсь райисполком.

Я Л О Н

В.-Кыч сельсоветысь „Пио- нер“ колхозлэн племенной коблеаз ышемын. Гонэн тэри, кымысаз тоды, ныр пелес вистиз тоды, (белизка), мыго- рылэн жуждаез 156 см. 10 арес'ем. Кин тодэ адрес'я ивор- тэ.

ПРАВЛЕНИЕ.